

UUT'T OLDE VODDEN

Wadde wiej'n oom-zegger neumt
Das een familielid zo ai wet,
Oom is as ome neet beneumde,
De geboorte breg ut met.
Oom zeggen das'n soort plich
Veur'tkind van zuster of breur
Das een echte neve of nich,
Door bun iej dan ome veur.

Dat is familie in derde groad,
Groaden waarn vröger in trek.
Noew kent ze nawluks dee droad
Zodat groaden eur niks zek!
Van kinder van oew breur of zus
Is oew kind ók neve of nich,
Toch buj oew goed bewus
Dat tat toch andes lig.
Ut neef-nich is ut zelfde neet
As wat veur oom-nich-neve steet.
Al wod ut woord net zo ezeg
De familieband is wieter weg,
Ut is een groad minder nóa,
De vierde groad is dat dus.
Noew begriep ie hóp ik aldrea
Iets van dee groaden-klus!

Nèven en nichte das zijlinie
Dee hangt trop zied biejan,
Doors ok'nrechte liéne wet iej
Das d'lijn kind-va-grootva dan.
Dee rechte en de ziej-linie
Haalden somgen deur mekaar,
En dan wodn ut zo begriep ie
nAllegaar en ok wel heel raar.
kDenke dóm, groaden, al konnen
Ze dee vröger wel dreumen,
Umdat enklen ze moeiluk von'n
Heur ie zo weinug meer neumen.

Dat derde of wel vierde groad

Was neet moor een paskwil,
Veur meerdre dinge inderdoad
Maken tok veur de wet veschil.
As ome een oom-zeg nichte had
Dee biejan um d'huusholling dee
Dan was ut veur de wet dat zee
Door as familie-relòatie zat.
Personéle belasting hoéven iej
Doorvan ok neet te betalen,
Een oom-zeg nichte was vriejan,
Dan was toor niks te halen!
Moor was ze'nvierde groad nich,
Kójan noa vriédóm neet streven
Wast gin familie; haj de plich
Eur as personeel op te geven.
Achter derde groad was in de wet
Veur'tniét betalen'npunte ezet!

tKan wèen dat ut oew opvòlt
Daj enkel van'n oom-zegger las,
Tante is hier heel neet enuúmd,
Zo daj oew wel af vroagen zólt
Woorumme of dat zo was,
Wóorum is tat hier vezuúmd?
Toch mot tat wel zo wèen,
(Niét um keerls te beliéven)
Umdat ze toé gin tante zèen
Kuw ut tante ok neet schriéven.
tWaarn olmòol meujan indertied
Heel gewoon vonne wiejan dat,
Tantes ken'n wie hier nog niet,
Waarn deftge mense in de stad!
En de meuje-zeggers eur stoat
Was ummers zo heel algemeen!
Das onbekend as familie-groad
Want "meuje" dat zie iederéen

Was 'noom-zegger dus gewoon,
Wiejan wissen wat of tat was,
Door haw niks met te doon,

Moor't tante kwam neet van pas!

Dat ome was ok wat met,
tKlonk toe andes int geheur,
tWodden áchter de name ezet
Noew zet ze dat ter veur!
tWas Jan-oom, Wilm-oom,
Gèt-oom,
Beerntoom/Toonoom, Albertome,
Gin ome Henk, moor
Hendruk-ome,
Noew vinne wiejan dat wat slóme!

Toch, éne name zeien z'andes dan
Neet Jóhan-oom, moor ome
Jehan!

tWas Miet-meuje, Hentemeuje ok,
Bettemeuje en de Diénemeujan,
Vólle Hannemeujan waarn drok,
De Naatje- en Hendriekemeujan,
Meujan waarn drin groot getal,
Met meujename zoln ze streujan
Dee name zol destieds bleujan,
Meujan waarn't hier! óveral!

Heel olde mense wies of vroed
Sprékt ze nóg wel an as meujan,
Vake vindt dee dat wel goed
Wiejan wet hoéjan ut mot pleujan,
Toch is de name van de meujan
Wel deúnug ant ve-schreujan,
Zal ons meschien ontgreujan!
kHeb tr al op zitten breujan
Um dr áchter an te goan heujan
Dee name dee kolt wodden geet
Weer opniejan te loaten gleujan!
Moor dát doo'k, en kank ok neet!

OME JEHAN